

Cingsih Vwnzlij Yungzhab Coicaenh Lajmbanj Saenqhwngh

Gyawj geij bi neix, Cingsih Si gyagiengz vwnzlij doxyungz, coicaenh vunz lai gak minzcuz doxyau dox baedauq doxyungz. 2023 nienz 12 nyied 28 hauh, Aen Goujan Goz-cisingq Cunghgoz Lungzbanh—Yeznanz Cazlingj haidoeng, vunz lai henzguk Cunghgoz, Yeznanz youq goujan guh daih lienzvuen. Seizde, hekyouz gak dieg foenfoen daeuj neix guhcaemz. Miz 1.6 fanh lai aen ci haeuj ok goujan, yaek miz 7 fanh

vunz baedauq, daiqdoengh 23 aen bouqdaez gai huq Yeznanz Mbanj-baizgan souhaeuj 65 fanh maenz, doengh gij diemq gai gijgw mbanj moq senj dieg cix souhaeuj yaek miz 15 fanh maenz.

“Maksahdangziz Iq” Gvangsiah youq dunghbwz mizmingz le, bi 2024 co, hekyouz dunghbwz laebdaeb daengz Cingsih guhcaemz. “Makleiz Gyoet Iq” daeuj Cingsih yawj gijbya gijraemx gyaundeidei Mbanjcuengh,

cimz gaiqgwn miz daegsaek, daej-niemh yienghndei minzsug, gij vwnzlij baihnanz baihaek dox baedauq raiz ok biencieng moq.

Luengq cieng, gak aen dieg-baeyouz Cingsih guh hozdung hai-cieng lai cungj lai yiengh. Aen Diegbaeyouz Giucouh guh foux lungz, Aen Diegbaeyouz Mboqhanq miz ruzva sienhanq cunzyouz, Aen Diegbaeyouz Gizyangzhuz cix guh doiq-fwen caeuq gingqlaeuj, Aen Dieg-

baeyouz Dunghlingz • Byagujlungz-sanh, Aen Cin Geq Gijnsiu daengi youh cuengq ienva, haemhndaep youq lajmbwn yawj denyijng, guh ceiz niunwd muengh seizheiq ndei daengj hozdung mizyinx, yinx daeuj haujai hekyouz camgya. Luengq cieng, daengx si ciepdaih 73.79 fanh boubien hekyouz, lijyouz souhaeuj 4.5 ik lai maenz.

(Liengz Gyanghyinz/梁姜银 Cwnz Cin/岑俊)



▲ Boubien ganyienh fat swliu hawj vunz lai.

Aen “Hengzdoengh Rumzcin” Bingzgvei Gih Bang Vunz-lai Senjdieg Couhnieb

Mboengqneix, Hocouh Si Bingzgvei Gih guh bi 2024 aen “hengzdoengh rumzcin” caeuq aen hoih ciuvunz cigboq vihong bang vunz lai senjdieg couhnieb. Yienhciegz miz vwnzyi biujyienj, couhnieb bang-coengh, dap vwndiz faplwd, lwnhgangj cwngcwz couhnieb cauhnieb daengj hozdung. Miz 72 aen giyez youq gwnzhoih ciuvunz cuengq ok 2989 aen vihong, 5000 lai vunz daeuj yienhciegz cam hong, 1.2 fanh lai vunz youq gwnzmuengx yawj cigboq, 1181 vunz yienhciegz caeuq giyez gangjbaenz hong. Neix coicaenh vunz lai senjdieg youq bakranz couh ra ndaej hong guh, caemh bang gyoengqde engq ndei yungzhaeuj ndwenngoengz moq hawsingz bae.

(Vangz Yiyngz/王钰滢 Moz Gyanghfung/莫江凤)

Nanzningz: Angqangq Yangz-yangz Nauh Cieng Cibngux

2 nyied 24 hauh dwg cieng cibngux, Aen Singz Geq Yunghcouh • Sam Gai Song Hongh Nanzningz Si biujyienj fouxbyalungz, daengva cunzyouz daengj lai cungj hozdung. Vunz-lai youq honggai lumj ciuhgeq haenx yawj daengva, duenz vahduenz, hengz laex ndei, caez gvaq cieng cibngux.

(Yi Sienghceiz/喻湘泉)



▲ Boubien maij daenj Buhgun gaem daengva youz haw.

Yinhcwngz Ganj Guh Dinghdan Nyaengq Swngghanj



▲ Boubien guh hong youq ndawcangj geiq gij soq liuhrin.

Ngoenzgyaj cieng gvaq le, gak aen giyez Laizbinh Si Yinhcwngz Yen guh liuhrin haenx foenfoen hai hong guh swngghanj, ca-coemj guh dinghdan ndaw-guek rogguek, caenhrengz guh ginghci geiz daih’ it “haidou hoengz”. Gyawj bi neix, Yinhcwngz Yen roengzrengz guh aen canloz “diemj rin baenz gim”, yinx boubien seng’ eiq douzngaenz guh hung guh ak aen canjnieb liuhrin. Liuhrin gyoengqde mboujdan youq ndawguek gai, lij gai daengz Ouhmeij, Cunghdungh, Dunghnanzya daengj dieg bae.

(Fanz Saugvangh/樊绍光)